

傷寒瘟疫條辯

傷寒瘟疫條辨目錄

卷二

陽證辨

陰證辨

陽證似陰辨

陰證似陽辨

陽毒陰毒辨

表證辨

表裏兼證辨

裏證辨

發熱辨

惡寒辨

惡風辨

頭痛辨

身痛辨

不眠辨

多眠辨

自汗辨

盜汗辯

頭汗辯

手足心腋下汗辯

結胸痞氣辯

腹滿辯

小腹滿辯

腹痛辯

煩熱辯

潮熱辯

往來寒熱辯

譫語辯

鄭聲辯

發狂辯

發斑疹辯

發黃辯

畜血辯

衄血辯

吐血辯

傷寒瘟疫條辯卷二

陽證

凡治傷寒溫病，最要辯明陰陽。若陰陽莫辯，則寒熱
紊亂，而曰不誤於人者，未之有也。如發熱惡寒、頭痛、
身痛、目痛、鼻乾、不眠、脇痛、寒熱而嘔、潮熱、譫語、詈罵、
不認親疎、面紅、光彩、唇燥、舌黃、胸腹滿痛、能飲冷水、
身輕易動、常欲開目、見人喜言語、聲響亮、口鼻之氣
往來自如、小便或黃、或赤、或溷濁、或短數、大便或燥
秘、或膠閉、或挾熱下利、或熱結旁流、手足自溫暖、爪

傷寒論是緊
要分
清路分

甲自紅活此陽證之大畧也。傷寒陽證有表有裏。隨
證治之。方論詳後。用宜分清。溫病陽證有表證。無表
邪。一於清熱導滯而已。尤要辯明是傷寒是溫病。斷
不可溷而一之。傷寒得天地之常氣。由氣分傳入血
分。溫病得天地之雜氣。由血分發出氣分。但其中證
候相參。從來混淆。倘分別一有不清。則用藥死生立
判矣。今人不辯寒溫。好用熱藥而不知涼藥之妙。且
難也。

陰證

凡傷寒末傳寒中而爲陰證與陰寒直中三陰而爲陰證或惡寒戰慄面時青黑或虛陽泛上面雖赤而不紅活光彩身重難以轉側或喜向壁臥或踞臥欲寐或閉目不欲見人懶言語或氣微難以佈息或口鼻之氣自冷聲不響亮或時燥擾煩渴不能飲冷或唇青或胎黑而滑手足厥逆爪甲青紫血不紅活小便清白或淡黃大便下利或寒結或熱在肌肉之分以手按之殊無大熱陰勝則水透手也雖是發熱與陽證不同不可以面赤煩渴誤作陽證須要辯別明

白其用藥自是理中四逆白通一派溫病無陰證然或四損之人亦有虛弱之人但其根源原是溫病卽溫補藥中亦宜兼用滋陰之味若峻用辛熱恐真陰立涸矣仲景傷寒少陰病於附子湯真武湯中用白芍卽此義也景岳理陰煎大溫中飲自謂雲騰致雨之妙自我創始其實亦本仲景此義而爲之者也後人之千方萬論未有見出乎範圍之外者

陽證似陰

陽證似陰乃火極似水真陽證也蓋傷寒溫病熱極

失於汗下。陽氣亢閉鬱於內。反見勝已之化於外。故
凡陽厥輕則手足逆冷。涼過肘膝。劇則通身冰冷如
石。血凝青紫成片。脈沉伏澹。甚則明絕。以上脈證悉
見純陰。猶以爲陽證何也。及察內證。氣噴如火。譫語
煩渴。咽乾唇裂。舌胎黃黑。或生芒刺。心腹痞滿脹痛。
舌捲囊縮。小便短赤。涓滴作痛。大便燥結。或膠閉。或
挾熱下利。或熱結旁流。或下血如豚肝。再審有屁極
臭者是也。粗工不察。但見表證。脈體純陰。便投溫補。
禍不旋踵。大抵陽證似陰。乃假陰也。實則內熱而外

寒在傷寒以大承氣湯下之有潮熱者六一順氣湯
熱甚。合黃連解毒湯在溫病雙解涼膈加味六一解
毒承氣之類斟酌輕重。消息治之。以助其陰而清其
火。使內熱既除。則外寒自伏。易所謂水流濕者。卽此
義也。此與陽勝格陰例同。王太僕所謂病人身寒厥
冷。其脈滑數。按之鼓擊。指下者。非寒也。余謂溫病火
閉而伏。多見脈沉欲絕。不盡滑數鼓擊也。要在詳證
辨之。

陰證似陽

似陰似陽二證
分析不清死生
立判溫病無陰

陰證似陽乃水極似火真陰證也蓋傷寒傳變三陰而爲陰證或陰寒直中三陰而爲陰證陰勝於內逼其浮游之火發於外其脉沉微而遲或沉細而疾一息七八至或尺衰寸盛其證面赤煩燥身有潮熱渴欲飲水或咽痛或短氣或嘔逆大便陰結小便淡黃驚惶不定時常鄭聲狀類陽證實陰證也粗工不察但見面赤煩渴咽痛便秘妄投寒涼下咽立斃大抵陰證似陽乃假陽也實則內寒而外熱急以白通附子通脉四逆湯之類加人參填補真陽以引火歸源

但使元氣漸復。則熱必退。藏易所謂火就燥者。卽此義也。此與陰盛格陽例同。王太僕所謂身熱脉數。按之不鼓擊者。非熱也。但陽證似陰。與陽證傷寒溫病家通有之。而陰證似陽。與陰證此值正傷寒家事。溫病無陰證。古人未曾言及。後人多不知此。吳又可其先覺乎。

按寒熱有真假者。陽證似陰。陰證似陽是也。蓋熱極反能寒。厥乃內熱而外寒。卽真陽假陰也。寒極反能燥熱。乃內寒而外熱。卽真陰假陽也。假陰者最忌溫。

假陰脈最忌誤
人宜細心辨之

補假陽者最忌寒涼察此之法當以脈之虛實強弱為主。然洪長滑數強實有力真陽脈固多而沉伏細澀六脈如絕假陰脈亦不少。可知不唯證之陰陽有真有假。卽脈之陰陽亦有真有假。死生關頭全在此分臆。醫道豈易易哉。

吳又可曰。陰陽二證。古方書皆對待言之。以明其理。世醫以陰陽二證。世間均等。臨診之際。泥於胸次。往來惻惻。最易牽入誤揣。甚有不辨脈證。但窺其人多蓄少艾。或適在娼家。或房事後得病。或病適至行房。

問及於此。便疑爲陰證。殊不知病之將至。雖童男室女。曠夫寡妻。僧尼閹宦。勢不可遏。與房慾何涉焉。卽使素冬少艾。頻宿娼家。房事後適病。病適至行房此際。偶值病邪氣壅。火鬱未免發熱到底。終是陽證。與陰證何涉焉。况又不知陰證實乃世間非常有之證。而陽證似陰者。何日無之。究其所以然者。不論傷寒溫病。邪在胃家。陽氣內鬱。不能外布。卽便四逆。所謂陽厥是也。仲景云。厥微熱亦微。厥深熱亦深。其厥深者。輕則冷過肘膝。脉沉而微。重則通身冰冷。脉微欲絕。

絕雖有輕重之分。總之爲陽厥。因其觸目。皆是不得其要領。於是誤認者良多。況且溫病每類傷寒。再不得其要領。最易混淆。夫溫病雜氣直行中焦。分佈上下內外。大熱陰證。自何而來。予治溫病數百人。僅遇一二正傷寒。卽令正傷寒數百人。亦不過一二真陰證。又何必纔見傷寒。便疑爲陰證。况多溫病。又非傷寒者乎。人亦可以憬然思。翻然悟矣。按吳氏溫病無陰證一語。開萬古之屯蒙。救無窮之天枉。

按仲景曰。陽證見陰脈者死。類經註云。證之陽者假。

實也。脉之陰者，真虛也。陽證，陰脉，卽陰證也。夫證之陽而曰假實，自是假陽證矣。假陽證，自是真陰證可知矣。脉之陰而曰真虛，自是真陰脉矣。真陰脉，自是真陰證，更可知矣。此真陰假陽，所謂陰證似陽是也。卽王太僕所謂陰盛格陽是也。宜用溫補之藥，無疑矣。今人一遇壯熱煩渴，譫語狂亂，登高棄衣而聲音嘹亮，神色不敗，別無敗壞陽德之狀，但厥逆脉伏，沉瀉如絕，便以爲陽證，見陰脉而用溫補之藥，禍不旋踵。殊不知證現內熱外寒之象，脉見沉伏微細之形。

火鬱亢極。陽氣不能交接於四肢。故體厥脉厥狀類陰寒。此真陽假陰。所謂陽證似陰是也。卽王太僕所謂陽盛格陰是也。乾隆甲戌乙亥。吾邑連問數年溫毒盛行。眼見親友病多陽證。似陰用附子理中湯而死者。若而人。用八味丸料及六味丸合生脉散而死。者又若而人。醫家病家皆以爲死證。難以挽回。卒未有知其所以誤者。余深憫焉。因古人格陰似陰。體厥脉厥之說。精心研究。頗悟此理。溫病無陰證。傷寒陰證百中一二。庸工好用熱藥。且多誤補其虛。故患陰

證似陽者少。壞事亦不若陽證似陰者之多也。每參酌古訓。又兼屢經閱歷。實驗得陽證似陰。乃火極似水。陽邪閉脈。非仲景所謂陽證陰脈也。輒用升降。涼隔加味六一。解毒承氣之屬。隨證治之。無不獲效。不必疑也。特書之以爲誤認陽證陰脈之戒。可知仲景云。陽證見陰脈者。所謂戴陽是也。所謂孤陽飛越。是也。所謂內真陰而外現假陽之象。是也。非真陽證也。夫天之所以生物。人之所以有生者。陽氣耳。脈證俱無。真陽之氣。故曰死。豈若陰證見陽脈者。之尚有生。

機乎。如陽證陽脉。卽不藥亦無害生理。惟陽證似陰。乃火鬱於內。反見勝已之化於外。脉自亢閉實非陰脉。此羣龍無首之象。證亦危矣。然猶在可死可不死之間。若早爲清瀉之脉。自復而愈。至若貧賤人饑飽勞傷。富貴家酒色耗竭。此則四損不可正治之輩。又當別論。甚至藏府久虛。痰火久鬱。一看溫病。正不勝邪。水不勝火。暴發競起。一二日卽死者。其脉或浮洪而散。狀若釜沸。或沉微而瀉。狀若屋漏。每遇此等脉證。徒爲悼嘆而已。

陽毒陰毒

傷寒論曰陽毒之爲病。面赤斑斑如錦文。咽喉痛。吐膿血。五日可治。七日不可治。升麻鱉甲湯主之。
傷寒論曰陰毒之爲病。面目青。身痛如被杖。咽喉痛。五日可治。七日不可治。升麻鱉甲湯主之。

按陰陽和正氣也。陰陽偏異氣也。正氣者四時錯行之氣也。異氣者四時不節之氣也。而雜氣非其種也。雜氣者。兵凶旱潦。疵癘烟瘴。一切惡穢不正之氣也。此氣適中人之陽分。則爲陽毒。適中人之

陰分則爲陰毒。觀其所主之藥二證一方並不用大寒大熱之劑。可知長沙所謂陽毒陰毒乃天地之雜氣。非風寒暑濕燥火之六氣也。豈若後人之所謂陽毒陰毒乎。要之後人所謂陽熱極盛。固是陽毒。陰寒極盛。固是陰毒。終非長沙所以立名之本義。此二證者。卽所稱溫病是也。卽大頭溫蝦蟇溫。瓜瓢溫。以及痧脹之類是也。吳又可溫病無陰證之論。實本長沙陽毒陰毒中於雜氣之說。受毒有淺深。爲病有重輕。一而二。二而一者也。王大僕

曰此陽盛格陰而致之非寒也凡中此雜氣之人
不止咽喉痛身痛甚至心腹絞痛大滿大脹通身
脈絡青紫手足指甲色如靛葉口噤牙緊心中忙
亂一二日卽死者此類是也但刺尺澤委中十指
出血卽令服玉樞丹最妙撥正散尤爲奇方男左
女右吹入鼻中雖危必甦以增損雙解散主之

表證

發熱惡寒惡風頭痛身痛項背強痛目痛鼻乾不眠
胸脇痛耳聾目眩往來寒熱嘔而口苦脈浮而洪或

緊而緩、或長而弦、皆表證也。在傷寒風寒外入、但有一毫表證、自當發汗解肌、消散而愈。其用藥不過麻黃、桂枝、葛根、柴胡之類。在溫病邪熱內攻、凡見表證、皆裏證。葛根結浮越於外也。雖有表證、實無表邪。斷無正發汗之理。故傷寒以發表爲先、溫病以清裏爲主。此一着最爲緊要。關隘今人一遇溫病、便以爲傷寒、遂引經論先解其表、乃攻其裏之說。此大謬也。總因古今醫家俱將溫病與傷寒看成一證、不分兩治。如王宇泰、張景岳、曠代名手也。其論傷寒證治妙矣。至

所謂第一治法
法大有美觀之
別者此也俗醫
則多誤見此論
前人未到
引證確然

矣。度以加矣。至說到溫病。猶是老生常談。他何足道。
人每以大劑麻黃葛根等湯。強發其汗。此邪原不在。
經。汗之徒損經氣。熱亦不減。轉見狂燥。蓋發汗之理。
自內由中。以達外。今裏熱結滯。陽氣不能敷布於外。
卽四肢未免厥逆。又安能氣液蒸蒸以透表。如縛足
之鳥焉。能飛升。又如水注之器。閉其後竅。前竅焉能
涓滴。惟用升降雙解。裏熱一清。表氣自透。不待發散。
多有自能汗解者。此中玄妙。王劉二公。其先覺乎。

表裏兼證

表裏俱見之證。疑似之間。最宜詳晰。蓋在表者宜汗。在裏者宜下。今既兩證相兼。如欲汗之。則裏證已急。欲下之。則表證尙在。在傷寒。自表傳裏。通宜大柴胡湯。兩解之。在溫病。自裏達表。輕則增損大柴胡湯。重則加味六一順氣湯主之。

裏證

不惡寒。反惡熱。掌心並腋下澀澀汗。出腹中硬滿脹痛。大便秘結。或膠閉。或熱結旁流。或協熱下利。譫語發狂。口渴咽乾。舌黃或黑。舌捲或裂。煩滿囊縮而厥。

脉洪而滑或沉實或伏數此裏證之大畧也。溫病與傷寒表證實不同。裏證無大異亦須辨明治之。

按傷寒有表證。自當汗之。然脉有忌汗者七條。證有忌汗者十一條。有裏證。自當下之。然脉有忌下者十四條。證有忌下者二十二條。此尤不可不知也。傷寒論三百九十七法。一百一十三方。詳且盡矣。兼以諸家闢發無餘。觀之自明。何須余贅。是集特辨溫病根源脉證治方。與傷寒大異。令業醫者分別清楚。不以傷寒混治溫病。是則余之志也已。

又按訥菴云汗吐下和古人治病之四法景岳云若無邪氣在上不可輕吐亦無多法梔子豉湯吐無形之虛煩瓜蒂散吐有形之實邪一法以萊菔子爲末溫水調服一錢良久卽吐和解小柴胡湯加減足矣二法之外最切於病無過汗下正傷寒之當汗當下者已逐條分晰矣溫病無正發汗之理惟下證最多特爲指明莫厭其煩。

面黃

身黃

以下共計溫病下證五十二條

黃者土色也脾胃於五行屬土陽明之脉榮於面

黃則濕熱鬱於脾胃之中。薰灼上蒸於面。甚則身黃如橘子色。此大熱之象。並宜茵陳蒿湯合升降散。再酌病情。合三承氣湯下之。下後熱退。汗自出。黃自消矣。或以溫酒洗之。

內經曰。能合脈色。可以萬全。難經曰。望而知之。謂神。故看病者。先要察色。然後審證切脈。察合以決吉凶也。如肝熱則左頰先赤。肺熱則右頰先赤。心熱則額先赤。腎熱則頤先赤。脾胃熱則滿面通赤也。又面色黃爲溫。爲熱。白爲氣不調。青爲風寒。黑爲陰寒也。

自準頭年壽命宮法令人中皆有氣色可驗又若傷寒陰寒內盛逼其浮陽之火行於面亦發赤色非熱證也此爲戴陽四逆湯加蔥白夫陽已戴於頭面不知者更用表藥則孤陽飛越危殆立見可不慎哉溫病無陰證。

目暗不明

目赤

目黃

目瞋

目直視

目反

折目者至陰也五臟六腑精華之所係水足則明察秋毫如常而瞭瞭者裏無邪也至於目暗不明乃邪熱居內焚灼腎水枯涸不能朗照若赤若

身...
黃若瞋若直視若反折邪俱在裏也若不急下則邪熱愈熾矣並宜加味涼膈散加龍胆草

薛氏曰凡開目而欲見人者陽證也閉目而不欲見人者陰證也目中不了了目睛不和色赤熱甚於內也目瞋者必將衄也目睛黃者將發身黃也或瞪目直視或戴眼反折或目胞陷下內多虛證或睛暗而不知人者亦有虛證皆難治也

舌白胎 黃胎 黑胎

凡傷寒邪在表者舌無胎邪在半表半裏白胎而

滑。肺主氣而色白。故凡白胎猶帶表證。止宜和解。
禁用攻下。有尖白根黃。尖黃根白。或尖白根黑。及
半邊黃白而胎滑者。雖證不同。皆屬半表半裏。若
傳裏則乾燥。熱深則黃。甚則黑也。然黑舌止有二
種。有火極似水者。爲熱極。有水極似火者。爲寒極。
細辨之。黑色亦自不同。熱極者。色黑而胎燥。或如
芒刺。再驗必小便赤濇。大承氣湯下之。寒極者。色
青灰而胎滑。再驗必小便清白。或淡黃。理中湯加
附子溫之。又溫病與傷寒。舌色不同。傷寒自表

傳裏舌胎必由白滑而變黃變黑。不似溫病熱毒由裏達表。一發卽是白黃黑諸胎也。故傷寒白胎不可下。黃則下之。溫病稍見黃白胎。無論燥潤卽以升降散加味涼膈散下之。黑則以解毒承氣湯急下之。下後間有三二日裏證去。舌尚黑者。胎皮未落也。不可再下。務在有下證方可下。有一種舌俱黑而無胎。此經氣非下證也。妊娠多有此陰證。亦有此。又有一種舌屢經汗下消導二便已通而舌上青灰色未退。或濕潤或雖不濕潤亦不

實熱火盛而焦
冷熱水乾而枯
分證不清彼此
無一生矣仔細
勘驗脈證畢竟
不同

乾燥不可因其濕潤妄投薑附亦不可因其不濕
潤而誤與硝黃此因汗下過傷津液其脈必虛微
無力急宜救陰爲主炙甘草湯左歸丸料或六味
地黃丸料合生脉散滋其化源又有一種舌真
陰虧損火勝津枯乾燥涸極唇裂鼻煤舌黑宜以
涼水梨漿治其標左歸六味滋其本庶或可生若
執用承氣涼膈則殆矣杜清碧三十六舌法三
十五舌屬熱惟一舌屬寒大抵熱多寒少三十六
法已覺其煩後廣至一百有餘真屬蛇足

大鵝梨
削薄片

於新汲水中去渣
飲汁卽梨漿是也

舌白砂胎 舌紫赤色

舌上白胎乾硬如砂皮一名水晶舌乃白胎之
時津液乾燥邪雖在胃不能變黃急下之紫赤亦
胃熱也亦宜下之

舌芒刺 熱傷津液此熱毒之最重者急下之

舌裂 日久失下血液枯涸多有此證又熱結旁流
日久不治在下則津液消亡在上則邪火毒熾故
有此證急下之裂自滿

舌短

舌捲

舌硬

此皆邪氣勝真氣

舌自舒

唇燥裂

唇焦色

口臭

鼻孔如烟煤

此胃家實多有此證急下之鼻孔煤黑溫毒在胃更甚急下之

口燥咽乾

氣噴如火

揚手擲足

小便極臭

小便赤黑

小便涓滴作痛

此皆內熱之極急下

之

潮熱

邪熱在胃宜下之

善太息 此胃家實。呼吸不利。胸膈痞悶。每欲引氣下行。故然。宜下之。

心下滿 心下痛 心下滿痛 心下高起如塊
腹脹滿痛 腹痛按之愈痛 小腹滿痛

此皆胃家邪實。內結氣閉。急下之。氣通則已。

頭脹 頭脹痛 頭汗 頭痛如破 此皆胃家邪實。氣不下降。急下之。脹痛立止。頭汗亦宜下之。則熱越而徧身汗出矣。

譫語 發狂 畜血如狂 此胃家實。陽邪勝也。急

下之有氣血兩虛燥煩如狂者不可下。須辯之。

溫疹 治法不外清散增損。雙解散加紫萍。

小便閉 此大便秘氣結不舒因而小便不通也。急下之大便行。小便立解。

大便燥結 轉屎氣極臭

此下之無辭。但有血液枯竭者。無表裏證。虛燥不可下。宜六味地黃丸料加麥冬五味煎成。入人乳減半飲之。一方用白萊自然汁大棗仁汁生芝

蘇汁

等分入蜜和服自通。或用蜜煎導法。

大便膠閉。其人平日大便不實。一遇溫邪。便蒸作極臭。狀如粘膠。愈蒸愈粘。愈粘愈閉。以致胃氣不能下行。溫毒無自而出。不下卽死。若得粘膠一去。無不愈者。

協熱下利。其人大便素或不調。邪熱乘胃。便作煩渴。一如素日瀉泄稀糞。而色不敗。其敗色但焦黃而已。午後潮熱。便作瀉泄。子後熱退。瀉泄亦減。次日不作潮熱。利亦止。爲病愈。若潮熱復作。利不止者。以增損大柴胡湯。徹其餘邪。而利自止。

熱結傍流 此胃家實邪熱壅閉續得下利純臭水
全然無糞日三五度或十數度急以加味六一順
氣湯下之得結糞而利自止服藥後不得結糞仍
稀水傍流及所進湯藥固大腸邪勝失其傳送之
職知邪猶在也病必不減仍以前湯更下之或用
解毒承氣湯如虛并加人參無參以熟地一兩歸
身七錢山藥五錢煎湯入前藥煎服果效蓋血不
亡氣亦不散耳。

脉厥 體厥 脉厥沉伏欲絕體厥四肢逆冷涼過

肘膝半死。半生。通身如冰。九死一生。此邪火壅閉。陽氣不能四布於外。胃家實也。急以解毒承氣湯。大清大下之下。後而鬱熱已解。脈和體溫。此爲病愈。若下後而鬱熱已盡。反見厥者。爲虛脫。宜補若下後。鬱熱未盡。仍見厥者。更下之。厥不迴者死。

按溫病厥逆。皆下證。傷寒厥逆。多兼下利。則陽熱變爲陰寒者。十之五。蓋木盛則胃土受尅。水穀奔迫。胃陽發露。能食則爲除中。木盛則腎水暗虧。汲取無休。腎陽發露。面赤則爲戴陽。戴陽尙多。可救。

除中十不收一。所以溫之炙之以回其陽仍不出少陰之成法也。但厥而下利陰陽之機甚微不可不辯也。

下後脉反浮

裏證下後宜脉靜身涼。今脉浮身微熱口渴神思或不爽。此邪熱溢於肌表。裏無大留滯也。雖無汗宜白虎湯。若大下後或數下後脉空浮而虛按之豁然如無。宜玉女煎加人參覆杯則汗解。以其人或自利經久或他病先虧或本病日久不痊或反覆數下以致

周身血液枯涸。石膏知母。麥冬。辛涼。除肌表散漫之熱邪。人參。熟地。牛膝。滋陰。以助周身之血液。於是經絡潤澤。元氣鼓舞。腠理開發。此邪從榮解。汗化於液。之義也。

下後脉復沉

下證脉沉而數。下後脉浮。當得汗解。以熱邪溢於氣分也。今下後二三日。脉復沉者。餘邪復瘀到胃也。宜更下之。更下後。脉再浮者。仍得汗解。宜白虎湯。以白虎發汗。亦裏熱除而表邪自解之義。非比麻黃桂枝發散風寒也。

下後脈反數

應下失下。口燥咽乾而渴。身反熱減。四肢時厥。欲得近火。壅被此陽氣伏也。下後厥回。身復熱。脈大而反數。舌上生津。不甚飲水。此裏邪漸去。鬱陽暴伸也。柴胡清燥湯以和解之。此證類近白虎。但熱渴既除。又非白虎所宜也。

下後身反熱

應下之證。下後當脈靜身涼。今反發熱者。此內結開。正氣通鬱陽暴伸也。卽如爐中伏火撥開。雖焰不久。

自息與下後脉反數義同。

下後反否

邪氣留於心胸令人否滿。下之否應去。今反否者以
其人或因他病先虧。或因稟賦嬌怯。氣血兩虛。下之
益虛。失其健運。邪氣留止。故致否滿。今愈下而否愈
甚。若用行氣破氣之劑。轉成壞病矣。宜參歸養榮湯
中病即止。

下後邪氣復聚

裏證下後。脉不浮洪。煩渴減。身熱退。二五日後復發。

熱者亦無傷食勞役乃餘邪尚有隱伏因而復發此必然之理不知者每歸咎於醫家誤也再酌前方下之慎勿過劑以邪熱微也

急證急攻

傷寒無此證治

雜氣流毒怫鬱三焦其病不可測識一發舌上白胎如積粉譬如早服涼膈承氣等方下之至午舌變黃色煩滿更甚再急下之至晚舌變黑刺或鼻如烟煤仍加硝黃大下之所謂邪微病微邪甚病甚非藥之過也此一日之間而有三變幾日之法一日行之稍

緩則不及救矣。若下後熱渴除胎不生方愈。更有熱除胎脫日後熱復發胎腹生者再酌前方下之不必疑二也。嘗見溫病有一二日卽死者乃其類也。丁亥五月監生李廉臣女年十八患溫體厥脉厥內熱外寒痞滿燥實譫語狂亂罵詈不避親疎煩燥渴飲不食不寐惡人與火晝夜無寧刻予自端陽日診其病至七月初三始識人熱退七八而思食自始至終以解毒承氣湯一方雪水熬石膏湯煎服約下三百餘行黑白稠粘等物愈下愈多不可測識此真奇證怪

證也。蘇臣曰：若非世兄見真守定，通權達變，小女何以再生。戊子秋，舉人李煦南長公，約年十五，患溫，脈沉伏，妄見妄言，如醉如癡，渴飲無度，以加味涼膈散連下一月而甦。又予甥年二十一，患溫，初病便煩滿，裹縮，登高棄衣，渴飲不食，日吐血數十口，用犀角地黃湯加柴苓、連、梔、元參、荆芥穗灰十劑，間服瀉心承氣湯七劑，諸證退，而飲食進。越五日，小便不通，脹疼欲死。予細診問脈，仍沉臍間，按之勁疼。予思此土實氣閉不舒，因而小水不利也，以大承氣湯下黑血塊。

數枚而病始痊。此皆證之罕見者也。可見凡下不以數計。有是證卽投是藥。但恐見理不明。認證不透。反致擔閣。而輕重緩急之際。有應連日有應間日下者。如何應多。如何應少。其間不能如法。亦足誤事。此非可以言傳。臨時酌斷可也。此等證治亦少姑存以備參考

發熱

凡治傷寒溫病。當發熱之初。最爲緊要。關隘卽宜詳辨。脉證治療。此時用藥稍不確當。必變證百出而成壞病矣。如溫病發熱。雜氣怫鬱三焦。由血分發出氣。

分斷無正發汗之理而發熱頭痛身痛而渴爲熱之輕者神解散小清涼散之類。如發熱氣噴如火目赤舌黃謔語喘息爲熱之重者加味涼膈散增損三黃石膏湯之類。如發熱厥逆舌見黑胎則熱之極矣。加味六一順氣湯解毒承氣湯大清大下之。若正傷寒自當詳發熱之表裏虛實以施治如翕翕而熱者表熱也。謂若合羽所覆明其熱在外也。桂枝麻黃各半湯桂枝二越婢一湯葛根湯選用蒸蒸而熱者裏熱也。謂若薰蒸之蒸明其熱在內也。白虎湯黃連解毒

寒濕條痛 卷二

三

湯瀉心湯選用太陽經以表爲標膀胱爲本凡發熱
頭項痛腰脊強脉浮緊無汗此寒在標也麻黃湯汗
之發熱脉浮緩自汗此風在標也桂枝湯和之發熱
脉緊而兼緩此風寒並在標也大青龍湯發之若脉
浮發熱煩渴小便不利此熱在本也五苓散兩解之
陽明經以肌肉爲標胃爲本凡發熱目痛鼻乾不眠
無汗葛根湯熱甚加黃芩知母主之者乃熱在標也
若表裏俱熱渴飲水漿汗出脉洪數白虎湯主之者
乃熱在標本也若不惡寒反惡熱或蒸蒸而熱內實

不大便脉洪數有力調胃承氣湯下之者乃熱在本也。少陽經主半表半裏從乎中治脉弦發熱頭痛口苦耳聾胸滿脇痛往來寒熱心煩喜嘔默默不欲食者小柴胡湯主之。若標病止宜小柴胡加減若本病因邪深入不能傳散多以柴胡加芒硝湯或大柴胡湯大抵熱在太陽忌下熱在陽明忌利小便熱在少陽忌汗忌下忌利小便至傳入三陰則不發熱唯少陰經能發熱然少陰發熱有二證初病卽見少陰證脉沉反發熱麻黃附子細辛湯若下利清穀裏寒外

心陽而外發熱
內而外反熱
為三陽用藥
不可不辨

熱手足厥逆脉微欲絕身反不惡寒此陰盛格陽內
寒而外熱也理中湯加附子或通脉四逆湯蓋陽邪
傳陰經而下利者乃是熱利陽陷入陰外所以無熱
自是白頭翁湯黃連阿膠湯一派如陰邪入陰經而
下利者乃是裏寒自利寒既在裏為主則陽氣必客
於外外所以反熱非理中四逆何以禦之要知雖皆
發熱畢竟不同發於陽而發熱者頭必痛發於陰而
發熱者頭不痛此為辨也又太陽以惡寒發熱為病
進恐邪氣傳裏也厥陰以厥少熱多為病退喜陰盡

陽復也。然熱氣有餘，則又爲內癰，便血之兆矣。發熱多端，不可不詳辯也。按傷寒論之論內癰，止於三句中。卽以三證辯內癰爲極確。文法精練，不可不細玩之。第一句：諸脉浮數當發熱，而反洒淅惡寒，謂脉浮數本當發熱，而反多洒淅惡寒者，內癰也。第二句：若有痛處，謂浮數之脉主邪在經，當一身盡痛，而痛偏着一處者，內癰也。第三句：飲食如常，謂病傷寒當不欲飲食，而飲食如常者，內癰也。讀仲景書，可不於一字一句深求其義哉。景岳治肺癰有桔梗杏仁煎。

治腸癰。有腸癰秘方。通治有連翹金貝煎。外又有蠟
礬丸。皆神方也。謹擇以備用。外科之法門。亦仲景熱
盛內癰之說。有以開之。

惡寒

傷寒惡寒者。不見風亦惡寒。身雖發熱。不欲去衣被
也。惡寒屬表證。而有虛實之分。以有汗者爲虛。無汗
者爲實也。但有惡寒。爲表不解。若欲攻其熱。當先解
其表。麻黃桂枝之屬是也。必不惡寒反惡熱。此爲表
解。乃可攻裏。白虎承氣之屬是也。然又有少陰之惡
寒者。則啞臥足冷。脈沉細。四逆。湯溫之。不可發汗。心

振寒。脈微細者。內外俱虛也。真武湯主之。又有止稱背惡寒者。蓋人背爲陽。腹爲陰。陽氣不足。陰寒氣盛。則背爲之惡寒。陽微陰盛之機。已露一斑。傷寒論云。少陰病。一二日。口中和。背惡寒者。當灸之。處以附子湯者是也。又有陽氣內陷。入陰中。表陽新虛。有背微惡寒者。傷寒論云。傷寒無大熱。口燥渴。心煩。背微惡寒者。白虎加人參湯主之者是也。蓋微不甚也。若少陰則寒甚也。二者一爲陰寒氣盛。一爲陽氣內陷。蓋陰寒爲病。不能消耗津液。故於少陰病。則曰口中和。

及陽氣內陷。則熱灼津液爲乾。故於陽明病。則曰口燥渴也。二者均爲背惡寒。要辯陰陽寒熱不同。亦於口中潤燥可知。不可不仔細審之也。又有傷寒惡寒。全不發熱。六脉緊細。乃素稟虛怯。而不能發熱。此太陽寒傷榮證。但極虛感寒。無正發汗之理。宜理陰煎。大溫中飲。以滋其陰。而雲騰致雨之妙。則景岳有心得矣。若溫病惡寒。口燥咽乾。舌黃唇焦。乃陽盛格陰。內熱則外寒。非惡寒也。蓋惡寒表證也。得就煖處便解。外寒裏證也。雖近火烈不除。輕則神解散。甚則升

降散。增損雙解散。豈可與正傷寒惡寒同日語哉。

惡風

惡風者。見風則惡。客室中則無所惡也。雖屬表證。而發散又自不同。若無汗惡風。則爲傷寒。當發其汗。麻黃湯有汗惡風。則爲中風。當解其肌。桂枝湯裏證。雖具。而惡風未罷者。皆當先解其表也。又有汗多亡陽。與風濕皆有惡風之證。蓋汗出漏不止。則亡陽外不固。是以惡風也。以桂枝加附子湯溫其經而固其衛。風濕相搏。骨節煩痛。濕盛自汗而皮膚不密。是以惡

風也。以甘草附子湯散其濕而實其衛。若溫病惡風。等於惡寒。陽伏於內。陰格於外。不過初病一二日後。則惡濕不惡風寒矣。要之邪熱內鬱。輕則發越於外。而手足溫重。則內外格拒。而通身涼死。生關頭。惟在識與不識耳。神解芳香。升降涼膈等方。斟酌得宜。萬無一失。

頭痛

太陰少陰有身熱而無頭痛。蓋二經皆不上頭故也。厥陰有頭痛而無身熱。蓋厥陰與太陽會於巔也。若

身熱又頭痛。皆屬三陽經也。傷寒太陽頭痛發熱惡寒無汗。麻黃湯。頭痛發熱惡寒有汗。桂枝湯。陽明頭痛不惡寒反惡熱。白虎湯。不大便。調胃承氣湯。頭痛甚者必嘔。葛根湯。去大棗加蔥白。少陽頭痛頭角痛或耳中痛。或口苦發熱。或往來寒熱。脉弦數。並宜小柴胡湯。厥陰頭痛嘔而吐沫。吳茱萸湯。又厥陰頭痛脉微浮。爲欲愈。如不愈。小建中湯。若溫病頭痛。或頭脹痛。乃邪熱鬱結於內。上攻頭面。三陽斷不可發表。輕則神解散。清化湯治之。重則增損雙解散。升降散。

合內外而治之。裏氣一通。頭痛自止。不可拘傷寒。頭痛當解表。不可攻裏之例也。

身痛

凡傷寒太陽病。身體痛。骨節痛。若惡寒無汗。脉浮緊者。麻黃湯汗之。若脉浮緩。惡風自汗者。桂枝湯和之。若風寒並中。脉浮緊而緩者。大青龍湯發之。少陰病。身體痛。骨節痛。手足厥。脉沉者。附子湯主之。然此陰陽二證。一般身痛。用藥則相去雲壤。浮沉之脉。要在指下辨識。若誤發少陰經汗。必動其血。或從口鼻出。或從目出。少陰脉入肺絡心。太陽脉起日內眥。則爲下厥上竭而死。或

可以當歸四逆湯救之。凡一身盡痛發熱發黃頭上汗出背強小便不利者濕也。茵陳蒿湯凡發汗後身疼痛脈沉遲者桂枝新加湯。凡身痛下利清穀者表裏俱寒也。原文先救裏。四逆湯次救表。桂枝湯若溫病雜氣熱鬱三焦表裏阻隔陰陽不通身體痛骨節痛以及頭痛項強發熱惡寒惡風目痛鼻乾不眠脇痛耳聾寒熱而嘔一切表證。求類傷寒實非風寒外感之邪。通宜清熱解鬱以疏利之。如神解散芳香散升降散加味涼膈散增損雙解散之類。隨其輕重酌

表證皆裏證浮
越於外是不可
發汗之所以
然處前輩各公
知此者除王劉
喻無多人焉
之舊染難
更耳言之
鳴咽

量用之。裏氣一清。表氣自透。而外證悉平矣。故溫病
凡見表證。皆裏證鬱滯浮越於外也。不知者。一見身
痛。頭痛。發熱。惡寒。等證。便以爲傷寒。而用麻黃。青龍
以發其汗。則壞病蜂起矣。此卽所謂前一節治法大
有天淵之別也。王劉兩公。其先覺乎。

不眠

陽盛陰虛。則晝夜不得臥。陰盛陽虛。則嗜臥不欲起。
蓋夜以陰爲主。陰氣盛。則目閉而臥安。若陰爲陽擾。
故煩燥而不眠也。溫病熱鬱三焦。陰不敵陽。大渴引

飲煩燥不眠。輕則增損大柴胡湯。重則增損雙解散。
兩解表裏之熱毒。以治之。若太陽傷寒。脈浮數。身痛。
無汗。煩燥不眠。大青龍湯。或桂枝麻黃各半湯。若發
汗後不眠。脈浮數。微熱。煩渴。小便不利。五苓散。若大
汗後。胃中乾燥不眠。煩渴欲飲水者。少少與之。愈。脈
數大者。白虎湯。或竹葉石膏湯。不用五苓。又太陽傷
寒。脈浮。以火劫汗。亡陽驚狂。起臥不安。桂枝去芍藥
加蜀漆牡蠣龍骨救逆湯。陽明經病。目痛鼻乾不眠。
葛根湯。內熱多。加黃芩知母。若自汗。脈洪數。經府俱

熱煩渴舌燥不眠。白虎湯。若大熱。錯語。呻吟。乾嘔。不
眠。黃連解毒湯。少陽病。往來寒熱。口苦。心煩。不眠。豚
弦數。小柴胡湯。加黃連。梔子。若虛弱人。津液不足。加
酸棗仁。五味子。麥冬。少陰病。得之二三日以上。心煩
不眠。黃連阿膠湯。凡汗吐下後。煩渴不眠。劇者。懊憹
不眠。此邪熱乘虛客於胸中。煩熱鬱悶而不得散也。
梔子鼓湯。凡下後虛煩不眠。參胡溫胆湯。加來溫脾
湯。

冬眠

凡病者多不得眠。傷寒反多眠者。以衛氣晝則行陽。夜則行陰。行陽則寤。行陰則寐。陽氣虛。陰氣盛。則目瞑。故多眠。乃邪氣傳於陰。而不在陽也。昏昏閉目者。陰司闔也。默默不言者。陰主靜也。凡傷寒頭痛發熱。神昏多眠者。表證也。宜解表爲先。疏表湯。若得汗後。脉浮細。身涼嗜臥者。此陽邪去而陰氣復。可不藥而愈。設胸滿脇痛。風熱內攻。而喜眠者。邪傳少陽也。小柴胡湯。加桔梗枳殼。少陰病得之二三日。表邪未悉併陰。但欲寐。脉微細無裏證者。麻黃附子甘草湯。以

不解。大復甦飲。不因誤表而自汗者。增損三黃石膏湯。裏實者加大黃。愈後。每飲食及驚動。卽自汗出。此表裏虛怯也。人參固本湯。如黃耆、牡蠣、麻黃根以固之。若發熱而利。自汗不止者死。若大汗出。熱反盛。狂言不止者死。若汗出髮潤。喘不休者死。若汗出如珠不流者死。此又不可不知也。

盜汗

盜汗者。睡著而汗出也。是由邪在半表半裏。何者。若邪氣一切在表與衛。則自然汗出也。此則邪氣侵行。

傷寒熱陽明
尚且閉脉何況
溫病

未解也。宜桂枝湯。或小建中湯。或黃耆建中湯。隨證
用之。陽明病發熱汗多者。急下之。大承氣湯。陽明病
脉遲。雖汗出。不惡寒。表證罷。裏證實者。急下之。大承
氣湯。夫脉遲。乃熱鬱陽明。火邪閉脉也。裏實乃身重。
短氣。腹滿而喘。濇濇汗出也。非若邪氣在表而汗出
之可緩也。漏風亡陽者。桂枝加附子湯。凡陰證四逆。
額上及手背冷。汗出者。與白利厥逆。大汗出者。急以
四逆湯。溫之。凡自汗出。小便難。脉沉者。桂枝附子湯。
加茯苓。若溫病邪熱內結。誤服表藥。大汗亡陽。煩渴。

不解。大復甦。飲不因誤。表而自汗者。增損三黃石膏湯。裏實者。加大黃。愈後。每飲食及驚動。卽自汗出。此表裏虛怯也。人參固本湯。如黃耆。牡蠣。麻黃根。以固之。若發熱而利。自汗不止者死。若大汗出。熱反盛。狂言不止者死。若汗出髮潤。喘不休者死。若汗出如珠不流者死。此又不可不知也。

盜汗

盜汗者。睡着而汗出也。是由邪在半表半裏。何者。若邪氣一切在表。與衛則自然汗出也。此則邪氣侵行。

於裏外連於表。及睡則衛氣行於裏。乘表中陽氣不
微津液得泄。故但睡而汗出。覺則氣散於表而止矣。
雜病盜汗者。或陽虛血熱。補中益氣湯。加防風麻黃
根。生地黄。牡丹皮。或陰虛火動。當歸六黃湯。加浮麥。
麻黃根。傷寒盜汗。責於半表半裏。知其胆有熱也。傷
寒論曰。微盜汗出。反惡寒者。表未解也。小柴胡湯主
之。傷寒論曰。陽明病。脈浮而緊。必潮熱發作有時。但
浮者。必盜汗出。按盜汗是少陽證。自汗是陽明證。但
浮者必盜汗出。句之盜字。應是自字。
當改之。可與白虎湯。病愈。脈靜身涼。數日後。忽得盜汗及自汗。

者此屬表虛並宜黃耆湯加防風麻黃根若溫病盜汗邪熱內鬱外侵於表升降散或增損大柴胡湯加牡蠣龍胆或龍胆末二錢猪胆汁同溫酒調服

頭汗

凡熱邪內畜蒸發腠理徧身汗出者謂之熱越若身無汗則熱不得越上蒸於陽故但頭汗出也熱不得越陽氣上騰頭汗出譫語者在傷寒大柴胡湯涼膈散在溫病增損大柴胡湯加味涼膈散頭汗出劑頸而還渴飲水漿小便不利此爲熱鬱在裏身必發黃

在傷寒茵陳蒿湯在溫病加味涼膈散加茵陳蒿心

下滿頭汗出水結胸也並宜柴胡陷胸湯陽明病下

血謔語此爲熱入血室

此證兼男子言
不僅婦女也

但頭汗出者

在傷寒小柴胡湯加歸尾桃仁穿山甲丹皮梔子在

溫病柴胡清燥湯加穿山甲桃仁黃連大黃芒硝又

傷寒五六日已發汗而復下之胸脇滿微結小便不

利渴而不嘔往來寒熱心煩但頭汗出者柴胡桂枝

乾姜湯又傷寒五六日頭汗出微惡寒手足冷心下

滿口不欲食大便難脉沉細者此爲陽微結必有表

復有裏也。脉沉亦在裏也。汗出爲陽微。假令純陰結。不得復有外證。悉入在裏。此爲半在裏。半在外也。脉雖沉細緊。不得爲少陰病。所以然者。陰不得有汗。今頭汗出。故知非少陰也。可與小柴胡湯。設不了了者。得屎而解。柴胡加芒硝湯。若中濕。誤下之。頭汗出。小便不利者死。又下後。額上汗出而喘。小便反秘者亦死。二者乃頭汗之逆。以陰陽上下俱脫也。關格不通。不得尿。頭無汗者生。有汗者死。若元氣下脫。額上汗如貫珠者死。脉經曰。陽氣上出。汗見於頭。五內枯乾。胸中

空虛醫反下之。此爲重虛也。蓋頭汗有生死之分。須
詳辯之。按脈細者應是脈沉細者觀下文脈沉亦在裏也之亦字自知當補之輯雖沉緊之緊字
當是細字若是緊字與上下文義不屬當改之

手足心腋下汗

凡潮熱手足濇濇汗出。爲陽明胃實也。腋下濇濇汗
出。爲兼少陽胆實也。在傷寒大柴胡湯在溫病增損
大柴胡湯若大便秘硬者在傷寒大柴胡湯加芒硝。
在溫病加味六一順氣湯。若手足心濇濇汗出。大便
難而譫語者。此有燥糞爲熱聚於胃也。在傷寒調胃

承氣湯在溫病加味涼膈散傷寒論曰陽明病中寒不能食小便不利手足心澀澀汗出此欲作痼瘕大便必初硬後溏胃中虛水穀不別故也痼瘕者寒氣結而爲積也厚朴生姜甘草半夏人參湯或理中湯加木香枳榔不可下也若額上及手背熱熱汗出者此屬陰證傷寒通脈四逆湯溫之此皆不可不辯也。

結胸痞氣

傷寒論曰病發於陽而反下之熱入裏作結胸謂表

寸口爲風動則
結胸數則爲熱

證當汗也。而醫反下之。則外邪乘虛內陷。結於不弱。乃爲結胸也。傷寒論曰。太陽病。脈浮動數。頭痛發熱。微盜汗出。反惡寒者。表未解也。而反下之。動數變遲。膈內拒痛。胃中空虛。客氣動膈。短氣煩燥。心中懊懣。陽氣內陷。心下因硬。則爲結胸。大陷胸湯主之。若不結胸。但頭汗出。餘無汗。劑頸而還。小便不利。身必發黃。梔子豉湯主之。又曰。太陽病。重發汗而復下之。不大便。舌上燥而渴。日晡潮熱。從心下至小腹硬滿而痛不可近者。大陷胸湯主之。又曰。傷寒嘔而發熱。柴

胡證具。而以他藥下之。其柴胡證仍在者。復與小柴胡湯。必蒸蒸振汗而解。若心下滿而硬痛者。此爲結胸也。大陷胸湯主之。又曰。傷寒六七日。結胸實熱。脈沉而緊。心下硬痛者。大陷胸湯主之。又曰。結胸無大熱。此爲水結在胸脇也。但頭汗出者。大陷胸湯主之。活人云。宜遂其水。小半夏茯苓湯。又曰。小結胸病。正在湯小柴胡湯。去棗加牡蠣亦可。又曰。小結胸病。正在心下。按之則痛。脈浮滑者。小陷胸湯主之。又曰。病應汗解。及以冷水噴之。或灌之。其熱被却不出。彌更益煩。肉上粟起。意欲飲水。反不渴者。服文蛤散。若不瘥。

與五苓散寒實結胸

寒飲結於胸中

無熱證者與小陷胸湯

白散亦可服。○崔行功曰傷寒誤下結胸欲絕心胸

高起手不可近。用大陷胸湯恐不得差。此下後虛逆

氣已不理當以枳實理中丸先理其氣。次療諸疾。古

今用之如神。且誤下之初未成結胸者急宜頻服理

中湯加枳殼桔梗自得解散。更不作結胸也。又有衄

血不盡血結胸中手不可近。漱水不欲嚥。身熱喜忘

如狂。腹脇脹滿。大便秘。小便利。犀角地黄湯加大黃

主之。婦人血結胸脇揉而痛。不可撫近。海蛤散主之。

凡結胸。脉沉緊沉滑沉實。或數大有力者。乃可攻之。
若脉微沉細。手足冷者。爲難治。若欲救之。宜四逆湯。
凡結胸。有氣發黃。或發斑。或厥逆者。皆爲最重之證。
又結胸證。悉具煩燥者死。又結胸脉浮大者。不可下。
下之則死。須詳辯之。○張景岳曰。結胸治法。仲景俱
以大陷胸湯主之。然以余之見。惟本病不因誤下而
實邪結胸。下連小腹。燥渴譫妄。脉來沉實者。正大陷
胸湯所宜用也。至於太陽少陽表邪未解。因下早結
胸而復用大陷胸湯。是旣因誤下而又下之。恐不得

瘥不若用枳實理中丸。柴胡陷胸湯以緩治之爲妙。
余按崔張皆謂不得瘥者恐復下之過也。不知仲景
大有所見。盡誤下結胸危證也。緩則死矣。結胸而用
陷胸者有病則病受之。觀大病瘥後從腰以下有水
氣者用牡蠣澤瀉散峻攻何反不顧其虛耶。蓋病勢
危急設用緩劑陰水襲入陽界驅之無及可見活人
之事迂濶者無濟也。

傷寒論曰病發於陰而反下之因作痞以下之太早
故也。謂內挾痰食外感風寒裏之陰虛已受邪熱中

氣先傷也。或熱微下證未全。不任轉瀉也。而醫反下之。則裏之微熱雖除。表之邪熱又至。表邪乘虛內陷。結於心下。但硬滿而不痛。雖不結胸。亦成痞氣也。若不因下早而爲痞氣者。或痰。或食。或氣。或血爲之結也。各有寒熱之不同。要在辯而治之。大約輕者通用枳殼桔梗湯。若實熱而爲痞者。內實熱盛不大便。手足溫。其脈關上浮。大黃黃連瀉心湯。如寒熱偏勝者。上有濕熱。下有陳寒也。心下痞。而復惡寒汗出者。附子瀉心湯。如寒多熱少。胸滿脈濡者。半夏瀉心湯。如

胃不和心下痞硬乾嘔脇下有水氣者生姜瀉心湯
如下利腹鳴者非熱結也但以胃中虛客氣上逆故
心下痞硬甘草瀉心湯要之瀉心非瀉心火之熱乃
瀉心下之痞滿也如痞滿胃寒咳逆理中湯如外證
未除而數下之爲重虛其裏邪熱乘入遂挾熱而利
心下痞硬表裏不解者桂枝人參湯卽理中湯加桂
枝而易其名爲治虛痞下利之的方也如汗吐下後
胃虛停飲痞硬噎氣不除旋覆花代赭石湯此輔正
匡邪獨飲下氣之妙方也如本以下之故心下痞與

諸瀉心湯不解其人渴而煩燥小便不利五苓散邪
在上而治在下使濁氣出下竅而清陽之在上焦者
自能宣化乃藏實而瀉其府也蓋五苓有兩解之功
潤津滋燥導飲盪熱亦消痞滿之良方也如發熱汗
出不解心下痞硬或吐或下利脉滑數或關脉沉緊
大柴胡湯蓋外邪不解轉入於裏心下痞硬嘔吐下
利攻之則礙表不攻則裏證又迫計惟有大柴胡湯
合表裏而兩解之余按大凡結胸痞氣未經攻下而
成者此或痰或食或氣或血凝滯而然先須柴胡陷

胸湯柴胡枳桔湯以開之。開之不愈。則攻下之。曾經下後。此爲外邪陷入而爲結胸痞氣。時其輕重。當下則下。緩則誤矣。若不分曾下未下。但見心下脹滿。便以爲結胸痞氣。輒用攻下之劑。反成真結痞矣。又按結言胸痞言心下。結言按之石硬。痞言按之濡。結言寸脈浮。關脈沉。痞不言寸。而但言關上浮。可以知其病之分。治之異矣。然此皆爲正傷寒言之也。若溫病鬱熱內攻。火性上炎。一發卽心胸結痞。脈洪滑數。或伏沉。自是熱實結胸痞氣。特患下之不早耳。非大小

陷胸或陷胸承氣加味涼膈等方下之不爲功。凡結

胸不問寒熱虛實遲早。便用燄法。生姜葱白等分生蘿

蔔加倍無以子代之三味共搗一處炒熱白布包作餅燄胸

前結痛處。此法須分二包冷則輪換。無不卽時開通。但不宜太熱。恐炮烙難受也。更以溫手順下探之。自無不愈。並治一切痞滿脹痛。真妙法也。

張氏發明日。成註云。無熱而惡寒者。發於陰也。旣無熱而又惡寒。其爲陰證明矣。安有下之之理。下之豈止作痞而已哉。夫仲景所謂陰陽者。指表裏而言也。

非此之謂也。病在表則當汗而反下之。因作結胸病。雖在裏。尚未入府而輒下之。因成痞。所以成結胸者。誤下之故也。所以成痞氣者。下之太早故也。經曰。脉浮而緊。浮則爲風。緊則爲寒。風則傷衛。寒則傷榮。又曰。脉浮而緊。復下之。緊反入裏則作痞。由此言之。風邪入裏則結胸。寒邪入裏則爲痞。然此亦皆太陽病之所致。非陰證之謂也。又曰。病在陽。應以汗解。陽指表證而言明矣。况痞證諸條。未有因無熱惡寒下之而成者。此成註之誤也。按此說深合經義。故錄之。

腹滿

腹滿者腹中脹滿也。腹滿不減者爲實。時滿時減者爲虛。以手按之堅硬而痛不可按者爲實。可揉可按而軟者爲虛。

傷寒論曰

凡傷寒太陰之爲病。腹滿而吐。食

不下。自利益甚。時腹自痛。若下之。必胸下結硬。自利益甚。宜理中湯。加藿香、厚朴、陳皮、半夏。甚則四逆湯。腹滿時減復如故。此虛寒從下而上也。理中湯加厚朴、木香。病人自言腹滿。他人以手按之不滿。此屬陰證。切不可攻。宜四逆湯溫之。凡汗解後腹滿。厚朴生

姜半夏甘草人參湯本太陽證而反下之因而腹滿
時痛者桂枝加芍藥湯大實痛者桂枝加大黃湯少
陰病六七日腹脹不大便者大承氣湯凡發汗後不
解腹脹滿痛者大承氣湯凡潮熱腹滿短氣而喘內
實者大柴胡湯加厚朴枳榔胸中有熱欲嘔吐胃中
有寒作滿痛者黃連湯溫病無陰證熱鬱失下邪火
久羈腹脹滿痛者升降散加味涼膈散加枳實厚朴
大抵陽熱爲邪則腹滿而咽乾便秘譫語陰寒爲邪
則腹滿而吐利食不下與夫曾經汗吐下後腹滿治

各不同。故爲醫者。要知邪氣所起所在。審其所起。知邪氣之由來。觀其所在。知邪氣之虛實。汗下之不差。清補之適當。則十全之功可得也。按自利益甚四字。當在必胸下結痛句之下。不應在吐食不下句之下。若在此句下。則是已吐食不下。而自利益甚矣。仲景復曰。若下之三字。無所謂也。當移之。

小腹痛

小腹痛者。臍下脹滿也。胸膈滿爲邪氣。小腹痛爲有物。物者何。尿與血耳。小復滿。小便不利者。尿瀦也。在傷寒。自氣分傳入血分。宜五苓散。猪苓湯。在溫病。自

血分發出氣分宜神解散。升降散。小腹滿。小便自利者。畜血也。在傷寒。桃仁承氣湯。代抵當湯。九在溫病。解毒承氣湯。加夜明砂。桃仁。丹皮。穿山甲。又傷寒。小腹滿。厥逆。真武湯。小腹滿。不結胸。按之痛。厥逆。脉沉遲。冷結。關元也。四逆湯。加吳茱萸。外灸關元穴。溫病無陰證。

腹痛

凡腹中痛。按而痛甚。爲實。按而痛減。爲虛。陽邪痛者。痛不常久。陰邪痛者。痛無休歇。傷寒腹痛。須明部分。

中脘痛屬太陰脾經分脉沉遲而寒者理中湯甚加

附子陽脉瀉陰脉弦

脉三陽急爲嘔三陰急爲痢此傷寒痙攣發於內故腹中急痛

小建中湯

散結安痙治在陽明太陰

不瘥小柴胡湯

和中定痙治在少陽厥陰

臍腹痛屬少陰腎經分脉沉者真武湯小腹痛屬厥

陰肝經分脉陽鬱厥逆者當歸四逆湯加吳茱萸生姜

陰寒厥逆者四逆湯加吳茱萸若太陽病下之早因

而腹痛者屬太陰也桂枝加芍藥湯若內實腹痛繞

臍刺痛煩燥發作有時此有燥糞也調胃承氣湯大

實腹滿而痛脉實者大承氣湯若脉弦口苦發熱腹

中痛者小柴胡湯去人參加炒白芍寒熱交作腹中
痛者小柴胡湯加肉桂白芍寒多去黃芩大抵傷寒
腹痛有虛有實有寒有熱要在辨脉證而治之溫病
腹痛乃雜氣潛入邪火鬱滯陽明也以升降散加味
涼膈散消息治之溫病無陰證實與熱自不屑言卽
有虛者亦當先去其急而後理其緩也張子和曰良
工先治其實後治其虛今之庸工不敢治其實惟誤
補其虛舉世不知其非奈何

煩熱

煩熱者因發熱而煩燥不安也。惟溫病爲特甚。此蓋雜氣伏鬱三焦。邪火亢閉。拂熱燔灼。故心神無定耳。增損雙解。增損三黃石膏之屬。消息治之。若傷寒有表邪不得汗出而煩燥者。其脈浮緩而緊數。大青龍湯。若煩而渴。脈弦數者。乃半表半裏證也。小柴胡湯。加知母天花粉。若煩渴舌燥。大汗出。飲水。脈洪數有力者。陽明經府證也。白虎湯。甚則調胃承氣湯。若手足厥。下利而煩。脈沉細而軟者。此則陰證之類煩也。急以人參附子溫之。若手足厥。陽氣受于胸中。四肢厥。爲諸陽之本。邪

結胸

寒飲伏停陽氣隔塞

心中滿而煩

飲作煩悶

此非少陰之藏寒

也。急以瓜蒂散吐之。若內傷勞役陰虛火動而煩者

身倦自汗尺脉浮虛者補陰益氣煎加白芍滋之。凡

傷寒五七日兩手六部脉皆至

六脉同等

大煩

邪欲外散故作煩熱

而口噤不能言其人燥擾者

邪正相爭

欲作汗解也。若脉

和大煩

邪欲外向大有作汗之機

目腫臉內際黃者

太陽主目上綱陽明主目

下綱目腫面內際黃者土旺而邪欲散也

此亦欲作汗解也。所以言大煩

者以肌表大熱則是邪熱欲泄達於外也。故爲欲解

間有大戰者然必以脉爲主。若脉不至而大煩不能

言

反解上條

脈不和而臉黃大煩

反解下條

其病爲進又不可

執一而論也

潮熱

潮熱者如潮水之潮其來不失其時蓋陽明屬土應時則旺於四季應日則旺於未申故必日晡發者爲潮熱陽明內實也宜下之若一日三五發者乃是發熱非潮熱也又須切脈之滑大沉實再審其人臍腹脹滿以手按之則硬而痛手足心並腋下熾熾然有汗此內實有燥糞也在傷寒大柴胡湯或調胃承氣

湯在溫病增損大柴胡湯或加味涼膈散加龍胆草
務要酌度適中病情不可太過不及若傷寒發在寅
卯辰巳時分且未可下宜小柴胡湯加減與之若少
陽邪併陽明發潮熱大便澀小便自可胸脇痛不去
者主以小柴胡湯又脇下硬滿不大便而嘔舌上白
胎者可與小柴胡湯則上下通和濺然汗出而解至
於溫病邪鬱胃中但有潮熱悉以增損大柴胡湯甚
則加味六一順氣湯凡傷寒潮熱者先以小柴胡湯
如熱不除內實可下者以大柴胡湯此大畧也

往來寒熱

傷寒往來寒熱邪正分爭也。蓋寒爲陰熱爲陽。裏爲陰表爲陽。邪客於表與陽相爭則發寒矣。邪客於裏與陰相爭則發熱矣。表邪多則寒多而熱少。裏邪多則熱多而寒少。邪在半表半裏之間外與陽爭而爲寒內與陰爭而爲熱。表裏之不拘內外之無定。由是寒熱往來而無常也。故以小柴胡湯立諸加減法以和之。又往來寒熱與寒熱如瘧似是而實非也。寒熱如瘧者作止有時。正氣與邪爭則作分作止矣。往來

寒熱則發作無時。往來無常。日三五發或十數發。此其與瘧異也。雖治往來寒熱。屬半表半裏。當和解之。又有病至十餘日。熱結在裏。復往來寒熱。自宜大柴胡湯下之。凡少陽證。往來寒熱。必先與小柴胡湯和之。服後不解。其脈反浮者。與柴胡桂枝湯。使邪從表而散。其脈如數者。與大柴胡湯。使邪從裏而出也。溫病伏邪內鬱。往來寒熱。多屬熱結在裏。陰陽不和。增損大柴胡湯主之。如升降散。乃此證妙藥也。蓋升清可以解表。降濁可以清裏。則陰陽和而內外俱徹矣。

若施之傷寒則又不可。

譫語

譫語者語言訛謬而氣盛也。經曰實則譫語。蓋邪熱深入蓄於胸中則昏其神氣。遂語言無次而妄說也。邪熱輕者惟睡中譫語醒則無矣。邪熱重者卽不睡亦譫語。如熱極者詈罵不避親疏不識人。此神明之亂也。譫語蓋非一端。傷寒發汗多亡陽譫語以胃爲水穀之海津液之主。汗多津液亡胃中燥必發譫語。此非實熱故不可下。以柴胡桂枝湯和其榮衛以通。

津液後自愈。譫語不惡寒反惡熱。白虎湯。腹滿身重。

難以轉側。口不仁。

不知味也。

面垢。譫語遺尿自汗。脉滑實。

者。白虎湯。潮熱手足腋下濺濺汗出其脉沉實。或滑數有力。大便難而譫語者。大承氣湯。溫病熱鬱三焦。神昏氣亂。譫語不識人。時其輕重以升降。涼膈六一解毒承氣之類。消息治之。若誤服表藥。譫語悶亂者。增損三黃石膏湯加大黃。若畜血。譫語大便黑。小便利在傷寒。桃仁承氣湯。在溫病。解毒承氣湯加夜明砂。桃仁穿山甲丹皮。下利譫語。脉滑而數有宿食也。

在傷寒六一順氣湯加黃連。在溫病加味六一順氣湯。此非內寒而利。乃燥糞結實。胃中稀水。傍流之物也。必須能辨滑數之脉。乃可下之。此證最難酌度。溫病多有體厥脉厥者。更須下之。此內經通因通用之法也。若下後下證悉除。三五日後譫語不止者。此邪氣已去。元氣未復。宜柴胡養榮湯加辰砂。錢一大抵譫語脉短則死。脉自和則愈。或氣上逆而喘滿。或氣下奪而自利。皆爲逆也。

鄭聲者。鄭重頻頻。謬語諄諄不已。而氣微也。經曰。虛則鄭聲。如老人遇事。諄諄不休。成氏以爲聲轉其本音。二理並通。故兩存之。蓋鄭聲乃因內虛。正氣將脫。而言皆不足之狀。如手足厥。脉沉細。口鼻氣息短少。所說語言輕微無力。氣少難以應息者。皆陽氣微也。若神昏氣促。不知人事者。死。如氣不促。手足頗溫。其脉沉細而微者。附子湯。或內熱不可用附子者。人參三白湯。五福飲。七福飲之類。隨證加減治之。所謂傷寒溫病。四損不可正治者。此類是也。婁氏曰。謔語氣

虛勸言也。此出素問。予用參耆歸朮治之。屢驗。按此卽所謂鄭聲也。大抵譫語鄭聲。態度無二。但有虛實之分。須詳辨之。

發狂

凡發狂本屬陽明實熱之證。蓋陽明爲多氣多血之經。或傷寒陽邪傳入胃府。或溫病陽邪起自胃府。熱結不解。因而發狂。內經脈解篇曰。胃者土也。故聞木音而驚者。土畏木也。其惡火者。熱甚則畏火也。其惡人者。以陽明厥則喘而惋。惋則惡人也。其病甚則棄

衣而走登高而歌或數日不食或踰垣上屋者以四肢爲諸陽之本陽盛則四肢實實則能登高也其棄衣而走者以熱盛於身也其妄言罵詈不避親疎而歌者以陽盛爲邪也又曰陰不勝其陽則脉流薄疾乃狂又曰邪入於陽則狂是皆以陽明熱邪上乘心肺故令神志昏亂若此此陽狂也傷寒溫病雖根源不同至於發狂皆邪熱已極使非峻逐火邪則不能已故但察其大便硬結或腹滿而堅或濕滯膠閉或脇熱下利或熱結旁流有可攻之證酌用大小承氣

涼膈六一解毒承氣之類下之如無脹滿結實等證而惟胃火使然者但以白虎解毒三黃石膏大小清涼之屬清其火邪其病自愈外有傷寒如狂發狂二證以太陽邪熱不解隨經入府重則發狂輕則如狂此熱搏血分畜血下焦故宜桃仁承氣與代抵當下之溫病多畜血陽明以黃連解毒湯送下代抵當湯丸去桂加牛膝丹皮近見別有一種如狂之證或由失志而病其病在心或由悲憂而病其病在肺或由失精而病其病在腎或由鬱怒思慮機餓勞碌而病

其病在肝脾。此其本病已傷於內。而邪氣復侵於外。則本病必隨邪而起矣。其證所謂虛狂是也。外無黃赤之色。剛暴之氣。內無胸腹之結。滑實之脈。或不時燥擾。而禁之則止。或口多妄誕。而聲息不壯。或眼見虛空。或驚惶不定。察其上口無燥渴。察其下便無硬結。是皆精氣受傷。神魂不守其證。與陽極發狂者反若冰炭。而時醫不察。但見錯亂。便謂陽狂妄行攻下。必致殺人。凡治此者。須辨氣血陰陽四損。何在。其有虛而扶邪者。邪在陽。與氣分宜補中益氣湯。大溫中。

飲邪在陰與血分宜補陰益氣煎理陰煎設有邪氣
閉結勢不能不下者必以黃龍湯或大柴胡湯加人
參其虛而無邪者在陽與氣分宜八珍十全腎氣丸
料右歸丸料在陰與血分宜六味丸料左歸丸料其
虛而挾寒者宜四逆湯加人參右歸丸料其虛而挾
火者宜六味丸料左歸丸料此方治之宜大畧如此
若夫潤澤之則在醫者活法耳

發斑疹

發斑者輕如蚊跡重如錦紋其致此之由總因熱毒

胃氣虛弱榮氣
不舒得涼藥以
其陰則胃中
和而大汗出矣

不解或當汗不汗則表邪不解當下不下則裏邪不
解當清不清則火盛不解陽證誤用溫補則陽亢不
解必須察脈之浮沉人之虛實熱毒之輕重而治之
斷不可執成氏不可汗不可下之說凡邪氣自外而
入深入不解則又自內而出表裏相乘勢所必至原
非表虛證也但使內外通達則邪由表裏而解矣卽
如犀角地黄湯乃治斑之要藥人知此湯但能涼血
解毒而不知此湯尤善解表散邪若用之得宜裏氣
一清必通身大汗熱邪頓解何爲不可汗耶發斑大

熱狂燥引飲。又何爲不可下耶。凡斑出赤紅者爲胃熱。紫紅者爲熱甚。黑色者爲胃爛也。鱗紅起發者吉。最忌稠蜜成片。如熱甚脉洪數煩渴者。以白虎湯合犀角地黃湯。加殭蠶蟬蛻青黛。如熱毒內蘊煩心不得眠。錯語呻吟者。犀角大青湯。加殭蠶蟬蛻。或增損三黃石膏湯。加青黛犀角。熱燥便秘結者。俱加酒大黃。如斑發已盡。外熱稍退。內實便秘。謔語者。以加味涼膈散微下之。溫病與傷寒治法同。蓋殭蠶蟬蛻尤堪疹要藥也。至於陰證亦時有發斑者。狀如蚊跡。多出

胸背手足間。但稀少而淡紅。身雖熱而安靜。以其人元氣素弱。或因慾事傷腎。當補不補。則陰凝不解。或誤服涼藥太過。以致變成陰證。寒伏於下。逼其無根。失守之火。聚於胸中。薰灼肺胃。傳於皮膚。而發斑點。補陰益氣煎。加乾姜附子。寒甚脉微。大建中湯通脉。四逆湯則真陽回。陰火降。而證乃痊。此治本不治標也。溫病無陰證。若夫疹與斑等。乃溫病中之重證也。治同溫病。傷寒百不出一總緣。雜氣之毒鬱於胃中。無所施洩。發於皮膚。而爲疹。增損雙解散。主之。加紫

背浮萍五七錢或重加石膏大黃芒硝清散得宜未
有不出者如身出而頭面不出此毒氣內歸危候也
急以大蟾蜍一個搗和新汲水去渣痛飲之自出屢
驗若溫病有久而甚者煩燥昏沉祇用蟾蜍心三兩
箇搗和水飲一二次定心安神而病去矣勿以爲微
而忽之凡斑疹脉洪長滑數易治脉沉伏弦微難治
黑如果實慙者死不可不知

發黃

凡傷寒溫病皆發黃多由陽明濕熱與合麴相似如

發熱汗出者爲熱越。不得發黃也。但頭汗出身無汗。際頸而還。或心中懊憹。或渴飲水漿。小便不利。或赤或黃。或溷濁。肚腹脹滿。或痛或不痛。或燥結。脉來沉實有力。此皆瘀熱在裏。薰蒸於皮膚之上。身黃如橘。子色者在傷寒。茵陳蒿湯。在溫病加味涼膈散。加茵陳蒿。右方治裏證。有三承氣湯。便於三承氣中。合茵陳蒿湯。或加味茵陳蒿湯。隨證施治。方爲盡善。外用黑豆一升。黃蒿四兩。煮滾湯一鍋。傾銅盆內。攪稍冷。入鷄子青七八箇。以手指攪起白沫。敷身黃處。黃散。

溫覆汗出而愈。又傷寒有身黃發熱者。梔子柏皮湯。
傷寒有瘀熱在裏表者。麻黃連軀赤小豆湯。此瘀熱
在表面發黃。故用表藥。設泥裏子。豈有邪在裏而反
治其表之理哉。夫傷寒溫病。至於發黃爲疾。已甚多。
有不治之證。形體如烟薰。直視頭搖。是爲心絕。環口
赭黑。柔汁發黃。是爲脾絕。當辨之。

畜血

畜血者。瘀血畜結於內也。身黃如狂。屎黑善忘。皆畜
血之證。許學士云。血在上則喜忘。血在下則發狂。蓋

傷寒病在太陽。則當發汗。或不汗。或汗遲。或脉盛。汗微邪無從出。故隨經入府。結於膀胱。乃爲畜血。溫病起無表證。而惟胃實。陽明熱鬱。失下邪火久羈。故腸胃畜血多。膀胱畜血少。亦有血爲熱搏。下注膀胱者。雖腐爲黑血。溢於腸間。結糞得瘀而潤下。然真元已憊矣。醫者必察人胸臍傍小腹。但有硬滿處。以手按則痛者。便爲畜血。若畜血陽明。不必問其小便。若小腹硬滿而小便自利。則膀胱之氣化行。而與尿瀉氣不化不同也。允爲有形之畜血矣。溫病與傷寒治法。

亦無大異。保命集分三焦。上焦胸脇手不可近。在傷寒。犀角地黄湯加大黃。在溫病。再合黃連解毒湯。中脘臍間手不可近。在傷寒。桃仁承氣湯加丹皮枳殼。在溫病。去肉桂。再合黃連解毒湯。臍下小腹手不可近。在傷寒。代抵當湯。在溫病。以黃連解毒湯送下。此丸去肉桂加丹皮牛膝。夫傷寒溫病。至於畜血實病。證之奇異。治法之精微。能審諸此。垂手取效。可爲妙也。然而難矣。實者可救。虛者多危。

經絡熱盛迫血妄行。出於鼻者爲衄傷寒責其血熱在表也。溫病責其血熱在裏。浮越於表也。犀角地黄湯加芩連柴梔元參瀉蠶蟬蛻甚加大黃入蜜酒小使冷服。凡傷寒陽明病口乾鼻燥能食者知邪不在裏而在經故必衄也。葛根湯去大棗加葱白黃芩不止黃芩湯去棗加生茅根生艾生藕生荷葉牛側柏葉小便煎太陽病脈浮緊發熱無汗而衄者愈。太陽病衄血及服桂枝湯後衄者爲欲解亦可服犀角地黄湯加茅花。如無以根代之脈浮大發熱下利衄血乾嘔者。

黃芩湯。去大棗加生地汁。童便。衄血煩而渴欲飲水。

水入卽吐者。先服五苓散。後服竹葉石膏湯。不止。茅

花湯。卽茅花五錢小或於涼血藥中磨京墨三茶匙。

便煎服是也。

亦妙。汗後熱退。衄血不止。用草紙折數層浸於新汲

水中。貼頂門上。及項脊。溫則易之。必止。少陰病。但厥

無汗而強發之。必動其血。或從口鼻出。或從目出。是

爲下厥上竭。爲難治。可與當歸四逆湯。仲景曰。衄家

不可發汗。汗出必額上陷。脉急緊。直視不能瞬。不能

眠。又曰。亡血家不可發表。汗出卽寒慄而振。二說皆

爲久衄亡血已多。故不可汗。若熱毒蘊結成衄。脈浮
緊者。麻黃湯。脈浮緩者。桂枝湯。若脈已微。一藥必不
可用。脈細者。黃芩湯。去大棗。加生地。童便。脈消數者。
犀角地黃湯。大抵衄血吐血下血。脈微小者。生脈實
大者死。或衄後吐後下後。脈微小易治。若熱反盛。脈
反洪數者。死也。若衄而頭汗出。或身上有汗。不至足
者。皆難治也。

吐血

傷寒諸陽受邪。其邪在表。當汗不汗。熱毒深入。故吐

血也。麻黃湯汗之內有瘀血者。桃仁承氣湯利之。服桂枝湯後吐血者。犀角地黃湯加茅花。凡久病虛弱。外有寒形。內有火邪。風寒閉塞。壅遏裏熱。以致吐血者。麻黃芍藥人參湯主之。凡吐血鮮紅色者。皆熱也。犀角地黃湯以涼之。凡吐血紫黑成塊。脈沉遲細。口不渴。小便清。爲瘀血寒凝也。宜理中湯加丹皮。肉桂之辛溫以散之。若脈洪數。仍屬熱。宜桃仁承氣湯以行之。溫病吐血。與衄血。皆屬熱毒。內鬱經絡。火盛火載血液。而妄行。大清涼散。或犀角地黃湯合瀉心湯。

有瘀血紫黑成塊者加桃仁大黃以利之。

按麻黃芍藥人參湯

證出自準繩傷寒論無此證因東垣治一寒士感寒吐血用麥冬飲子合仲景麻黃湯各半服之甚善故並載之以爲後學津梁乾隆乙巳季冬科試先君六旬有六胃雪歸家風寒鬱熱以致頭痛發熱惡寒吐血諸醫不効余甚驚惶斟酌東垣此湯一服而愈前因吾父中風留心醫道三年內未敢處方自是而悟認真脈證方未有不效者噫醫道之難在此矣。

辯中有發經論所未發者實千古不易正理後學宗之自不覆晉人轍矣。

畏齋